

摛藻堂四庫全書薈要

集部

欽定四庫全書叢要

集部

御定全唐詩卷五百九十一至四

詳校官原任主事
臣李斯咏

集部

欽定四庫全書
欽定全唐詩卷五百九十六

御定全唐詩卷五百九十六

崔珏

崔珏字夢之嘗寄家荊州登大中進士第由幕府拜祕書郎為淇縣令有惠政官至侍御詩一卷

道林寺

臨湘之濱麓之隅西有松寺東岸無松風千里擺不斷竹泉瀉入于僧厨宏梁大棟何足貴山寺難有山泉俱

四時唯夏不敢入燭龍安敢停斯須遠公池上種何物
碧羅扇底紅鱗魚香閣朝鳴大法鼓天宮夜轉三乘書
野花市井栽不著山雞飲啄聲相呼金檻僧迴步步影
石盆水濺聯聯珠北臨高處日正午舉手欲摸黃金鳥
遙江大船小於葉遠村雜樹齊如蔬潭州城郭在何處
東邊一片青模糊今來古往人滿地勞生未了歸丘墟
長卿之門久寂寥五言七字誇規模我吟杜詩清入骨
灌頂何必須醍醐白日不照耒陽縣皇天厄死飢寒軀

明珠大貝採欲盡蚌蛤空滿赤沙湖今我題詩亦無味
懷賢覽古成長吁不如興罷過江去已有好月明歸途

美人嘗茶行

雲鬟枕落困春泥玉郎為碾瑟瑟塵閒教鸚鵡啄窗響
和嬌扶起濃睡人銀瓶貯泉水一掬松雨聲來乳花熟
朱唇啜破綠雲時咽入香喉夾紅玉明眸漸開橫一作轉
秋水手撥絲篁醉心起臺時一作前却坐推金箏不語思

量夢中事

門前柳

第一句
缺一字

門前蜀柳 知春風澹暖煙愁殺人將謂只栽郡樓下

不知迤邐連南津南津柳色蓮南市南市戎州三百里

夷陬蠻落相連接故鄉莫道心先死我今帝里尚有家

門前嫩柳挿

一作披

仙霞晨霑太一壇邊雨暮宿鳳凰城

裏鴟別來三載當誰道門前年年綠陰好春來定解飛

雪花雨後還應庇煙草憶昔當年栽柳時新芽茁茁嫌

生遲如今宛轉梯著地常向綠陰勞夢思不道彼樹好

不道此樹惡試將此意問野人野人盡道生處樂為報
門前楊柳裁我應來歲當歸來縱令樹下能攀折白髮
如絲心似灰

岳陽樓晚望

乾坤千里水雲間釣艇如萍去復還樓上北風斜捲席
湖中西日倒銜山懷沙有恨騷人徃鼓瑟無聲帝子閒
何事黃昏尚凝睇數行煙樹接荆蠻

哭李商隱

成紀星郎字義山適歸高一作黃壤抱長歎詞林枝葉三

春盡學海波瀾一夜乾風雨已吹燈燭滅姓名長在齒

牙寒只應物外攀琪樹便著霓裳一作衣

上絳一作玉壇

虛負凌雲萬丈才一生襟抱未曾開鳥啼花落人何在
竹死桐枯鳳不來良馬足因無主蹠舊交心為絕弦哀
九泉莫嘆三光隔又送文星入夜臺

和友人鴛鴦之什

翠鬢紅衣一作毛舞夕一作落暉水禽情似此禽稀暫分煙

島猶回首只渡寒塘亦共

一作並

飛映霧乍

一作盡

迷珠

一作作

金殿瓦逐梭齊上

一作還似

玉人機採蓮無限蘭橈女笑指

中流羨一作爾歸

候

寂寂春塘煙晚

一作時

兩心和影共依依溪頭日暖眠

沙穩渡口風寒浴浪稀翡翠莫誇饒彩飾鷺鷕須羨好

毛衣蘭深芷密無人見相逐相呼何處歸

舞鶴翔鸞俱別離可憐生死兩相隨紅絲毳落眠汀處

白雪花成蹙浪時琴上只聞文頸語窗前空展共飛詩

時一作何如相見常相對肯羨人間多所思

有贈

莫道妝成斷客腸粉胸綿手白蓮香煙分頂上三層綠
劔截眸中一寸光舞勝柳枝腰更軟歌嬾珠貫曲猶長
雖然不似王孫女解愛臨邛賣賦郎

錦里芬芳少佩蘭風流全占似君難心迷曉夢窗猶暗
粉落香肌汗未乾兩臉夭桃從鏡發一眸春水照人寒
自嗟此地非吾土不得如花歲歲看

和人聽歌

氣吐幽蘭出洞房
樂人先問調宮商
聲和細管珠纔轉
曲度沈煙雪更香
公子不隨腸萬結
離人須落淚千行
巫山唱罷行雲過
猶自微塵舞畫梁

紅臉初分翠黛愁
錦筵歌板拍清秋
一樓春雪和塵落
午夜寒泉帶雨流
座上羨人心盡死
尊前旅客淚難收
莫辭更送劉郎酒
百斛明珠異日酬

水晶枕

千年積雪萬年冰掌上初擎力不勝南國舊知何處得
北方寒氣此中凝黃昏轉燭螢飛沼白日褰簾水在簪
斬葦蜀琴相對好裁詩乞與滌煩襟

席間詠琴客

七條弦上五音寒此藝知音自古難唯有河南房次律
始終憐得董庭蘭

句

楚王宮地羅含宅賴許時時聽法來

早梅贈李商隱見商隱集注

御定全唐詩卷五百九十一

集部

欽定四庫全書
欽定全唐詩卷一萬七千九百九十七

御定全唐詩卷五百九十二

曹鄴

曹鄴字業一作鄴之桂州人登大中進士第由天平幕府遷太常博士歷祠部郎中洋州刺史詩二卷

徒相逢

江邊野花不須採梁頭野燕不用親西施本是越溪女承恩不薦越溪人

雜誠

帶香入鮑肆香氣同鮑魚未入猶可悟已入當何如

捕漁謠

天子好征戰百姓不種桑天子好年少無人薦馮唐天
子好美女夫婦不成雙

四怨三愁五情詩十二首

并序

鬱於內者怨也阻於外者愁也犯於性者情也三
者有一賊於前必為顛為沴為蚤死人鄰專仁誼

久矣有舉不得用心忍中斯物殞天命幸未死間
作四怨三愁五情以望詩人救

其一怨

美人如新花許嫁還獨守空無青銅鏡終日自疑醜

其二怨

庭花已結子巖花猶弄色誰令生處遠用盡春風力

其三怨

短鬟一如蠟長眉一如蛾相共棹蓮舟得花不如他

其四怨

手推轤亞車朝朝暮暮耕未曾分得穀空得老農名

其一愁

遠夢如水急白髮如草新歸期待春至春至還送人

其二愁

澗草短短青山月朗朗明此夜目不掩屋頭烏啼聲

其三愁

別家鬢未生到城鬢似髮朝朝臨川望灞水不入越

其一情

東西是長江南北是官道牛羊不戀山只戀山中草

其二情

阿嬌生漢宮西施住南國專房莫相妒各自有顏色

其三情

蛺蝶空中飛天桃庭中春見他夫婦好有女初嫁人

其四情

檳榔自無柯椰葉自無陰常羨庭邊一作亭前竹生筍高於

林

其五情

野雀空城飢交交復飛飛勿怪官倉粟官倉無空時

寄劉駕

一川草色青裊裊遠屋水聲如在家悵望羨人不攜手
牆東又發數枝花

風人體

出門行一步形影便相失何況大隄上驄馬如箭疾夜

夜如織婦尋思待成廷郎只不在家在家亦如出將金
與卜人謫道遠行吉念郎緣底事不具一作見天與日

杏園即一本無席上同年

即字

歧路不在天十年行不至一旦公道開青雲在平地枕
上數聲鼓衡門已如市白日探得珠不待驪龍睡忽忽
出九衢僮僕顏色異故衣未及換尚有去年淚晴陽照
花影落絮浮野翠對酒時忽驚猶疑夢中事自憐孤飛
鳥得接鶯鳳翅永懷共濟心莫起胡越意

恃寵

二月樹色好昭儀正騎奢恐君愛陽豔研却園中花三
十六宮女髻鬟各如鴉君王心所憐獨自不見瑕臺上
紅燈盡未肯下金車一笑不得所塵中悉無家飛燕身
更輕何必恃容華

題女郎廟

數點煙香出廟門女娥飛去影中存年年嶺上春無主
露泣花愁斷客魂

四望樓

樓在洛陽東今廢秦時有
貴公子賈虛每日宴其上

背山見樓影應合與山齊座上日已出城中未鳴鶲無
限燕趙女吹笙上金梯風起洛陽東香過洛陽西公子
長夜醉不聞子規啼

築城三首

郎有蘿蕪心妾有芙蓉質不辭嫁與郎築城無休日
嗚嗚啄人鴉軋軋上城車力盡土不盡得歸亦無家
築人非築城圍秦豈圍我不知城上土化作宮中火

卷三十一
奉命齊州推事畢寄本府尚書

越鳥栖不定孤飛入齊鄉日暮天欲雨那兼羽翎傷州
民言刺史蠹物甚於蝗受命大執法草草是行裝僕隸
皆分散單車驛路長四顧無相識奔馳若投荒重門下
長鎖樹影空過牆驅囚遶廊屋髑髑如牛羊獄吏相對
語簿書堆滿牀敲枷打鎖聲終日在目旁既捨三山侶
來餘五斗糧忍學空城雀潛身入官倉國中天子令頭
上白日光曲木用處多不如直為梁忍孤食恩地晝夜

心不遑仲夏天氣熱鬢鬚忽成霜社鼠不可灌城狐不易防偶於擒縱間盡得見否臧截斷姦吏舌擘開冤人腸明朝向西望走馬歸汶陽

北郭閒思

山前山後是青草盡日出門還掩門每思骨肉在天畔來看野翁憐子孫

戰城南

千金畫陣圖自為弓劍苦殺盡田野人將軍猶愛武性

命換他恩功成誰作主鳳皇樓上人夜夜長歌舞

自退

寒

一作女面如一作鄰

花空

一作寂

寂

一作常

常

一作牀

花

一作對影況

對影況

我

妾一作不嫁容甘為瓶隨井

早起

月

隨滄浪西門開樹無影

此時歸夢闌立在

一作獨立梧桐

井

古相送

行人卜去期白髮根已出執君青松枝空數別來日心
如七夕女生死難再匹且願車聲迫莫使馬行疾巫山
千丈高亦恐夢相失

甲第

遊人未入門花影出門前將軍來此住十里無荒田
望不來

見花憶郎面常願花色新為郎容貌好難有一好一作相似人

官倉鼠

官倉老鼠大如斗一作牛見人開倉亦不走健兒無糧百姓飢誰遣朝朝入君口

題漢廟

曉祭瑤齋夜扣鐘鼈頭風起浪重重人間直有仙桃種
海上應無肉馬蹤赤水夢沈迷象罔翠華恩斷泣芙蓉
不知皇帝三宮駐始向人間著袞龍

偶題

白玉先

一作老

生多在市青牛道士不居山但能共得丹

田語正是忙時身亦閒

登岳陽樓有懷寄座主相公

南登岳陽樓北眺長安道不見昇平里千山樹如草骨
肉在南楚沈憂起常早白社愁成空秋蕪待誰掃常聞
詩人語西子不宜老賴識丹元君時來語蓬島

出闕

山上黃犢走避人山下女郎歌滿野我獨南征恨此身

更有無成出闕者

將赴天平職書懷寄翰林從兄

居處絕人事門前雀羅施誰遣辟書至僕隸皆展眉延
馬渡河洛西風飄路歧手執王粲筆閒吟向旌旗香晚
翠蓮動吟餘紅燭移開口啖酒肉將何報相知况我魏
公子相顧不相疑豈學官倉鼠飽食無所為白露霑碧
草芙蓉落清池自小不到處全家忽如歸吾宗處清切
立在白玉墀方得一侍座單車又星飛願將門底水永

託萬頃波

賀雪寄本府尚書

雨雪不順時陰陽失明晦麥根半成土農夫泣相對我
公誠訴天天地忽已泰長飈卷白雲散落羣峰外拂砌
花影明交宮鶴翎碎宿鳥晨不飛猶疑月光在碧樹香
盡發蠶蟲聲漸退有客懷免園吟詩遶城內

寄嵩陽道人

三山浮海倚蓬瀛路入真元險盡平華表千年孤鶴語

人間一夢晚蟬鳴將龍逐虎神初王積火焚心氣漸清
見說嵩陽有仙客欲持金簡問長生

去不返

寒女不自知嫁為公子妻親情未識面明日便東西但
得上馬了一去頭不回雙輪如鳥飛影盡東南街九重
十二門一門四扇開君從此路去妾向此路啼但得見
君面不辭揷荆釵

送進士下第歸南海

數片紅霞映夕陽攬君衣袂更移觴行人莫歎碧雲晚

上國每年春草芳雪過藍關寒氣薄鴈回湘浦怨聲長

應無惆悵滄波遠十二玉

一作重

樓非我鄉

送厲圖南下第歸澧州

當春人盡歸我獨無歸計送君自多感不是緣下第君
看山上草盡有干雲勢結根既不然何必更掩袂澧水
鱸魚賤荆門楊柳細勿為陽豔留此處有月桂言畢尊
未乾十二門欲閉佇立望不見登高更流涕吟君別我

詩悵望水煙際

思不見

但見出門蹤不見入門迹却笑山頭女無端化為石

貴宅

入門又到門到門戩相對玉簫聲尚遠疑似人不在公子獻花繁買藥裁庭內望遠不上樓牕中見天外此地日烹羊無異我食菜自是愁人眼見之若奢泰

下第寄知己

長安孟春至枯樹花亦發憂人此時心冷若松上雪自
知才不堪豈敢頻泣血所痛無罪者明時屢遭貶故山
秋草多一卷成古轍夜來遠心起夢見瀟湘月大賢冠
蓋高何事憐屑屑不令傷弓鳥日暮飛向越聞知感激
語胷中如有物舉頭望青天白日頭上沒歸來通濟里
開戶山鼠出中庭廣寂寥但見薇與蕨無慮數尺軀委
作泉下骨唯愁攬清鏡不見昨日髮願憐閨中女晚嫁
唯守節勿惜四座言女巧難自說

吳宮宴

吳宮城闕高龍鳳遙相倚四面鏗鼓鐘中央列羅綺春
風時一來蘭麝聞數里三度明月落青娥醉不起江頭
鍊劍鳴玉座成荒壘適來歌舞處未知身是鬼

長相思

翦妾身巾贈郎傷妾神郎車不暫停妾貌寧長春青
天無停雪應作雲滄海無停津遣妾空牀夢夜夜隨車輪

長城下

遠水猶歸壑征人合憶鄉泣多盈袖血吟苦滿頭霜楚國連天浪衡門到海荒何當生燕羽時得近雕梁

成名後獻恩門

為物稍有香心遭蠹虫啮平人登太行萬萬車輪折一辭桂嶺猿九泣東門月年年孟春時看花不如雪僻居城南隅顏子須泣血沈埋若九泉誰肯開口說辛勤學機杼坐對秋燈滅織錦花不常見之盡云拙自憐孤生竹出土便有節每聽浮競言喉中似無舌忽然風雷至

驚起池中物拔上青雲巔輕如一毫髮瓏瓏金鎖甲稍
稍城烏絕名字如鳥飛數日便到越幽蘭生雖晚幽香
亦難歇何以保此身終身事無缺

贈道師

舉世皆問人唯師獨求已一馬無四蹄頃刻行千里應
笑北原上丘墳亂如蟻

入闕

衡門亦無路何況入西秦灸病不得穴徒為採艾人

聽劉尊師彈琴

曾於遊一作青海獨聞蟬又向空庭夜聽泉不似齋堂人
靜處秋聲長在七條弦

題山居

掃葉煎茶摘葉書心閒無夢夜窗虛只應光武恩波晚
豈是嚴君戀釣魚

關試前送進士姚潛下第歸南陽

馬嘶殘日沒殘霞二月東風便到家莫羨長安占春者

明年始見故園花

滻川寄進士劉駕

我家不背水君身不向越自是相憶苦忽如經年別山家草木寒石上有殘雪美人望不見迢迢雲中月

翠孤至諸宮寄座主相公

萬里一孤舟春行夏方到骨肉盡單羸沈憂滿懷抱羈孤相對泣性命不相保開戶山鼠驚蟲聲亂秋草白菌緣屋生黃蒿擁籬倒對此起長嗟芳年亦須老恩門為

宰相出入用天道忽於摧落間收得青松操全家到江
陵屋虛風浩浩中腸自相伐日夕如寇盜其下有孤姪
其上有孀嫂黃糧賤於土一飯常不飽天斜日光薄地
濕蟲叫噪唯恐道忽消形容益枯槁古人於黃雀豈望
白環報奉答恩地恩何慙以誠告

早秋宿田舍

澗草疎疎螢火光山月朗朗楓樹長南村犧子夜聲急
應是欄邊新有霜

旅次岳陽寄京中親故

君山南面浪連天一客愁心兩處懸身逐片帆歸楚澤
魂隨流水向秦川月回浦北千尋雪樹出湖東幾點煙
更欲登樓向西望北風催上洞庭船

題舒鄉

一本有
驛字

功名若及鵠夷子必擬將舟泛洞庭柳色湖光好相待
我心非醉亦非醒

碧尋

一作
溥

宴上有懷知己

荻花蘆葉滿溪流一簇笙歌在水樓金管曲長人盡醉
玉簪恩重獨生愁女蘿力弱難逢地桐樹心孤易感秋
莫怪當歡却惆悵全家欲上五湖舟

從天平節度使遊平流園

池塘靜於寺俗事不到眼下馬如在山令人忽疎散明
公有高思到此遂長返乘興挈一壺折荷以為盞入竹
藤似蛇侵牆水成蘚幽鳥不識人時來拂冠冕沿流路
若窮及行路猶遠洞中已云夕洞口天未晚自憐不羈

者寫物心常簡
飄愁此興多
引得嵇康嬾

故人寄茶

一作李德裕詩

劍外九華英
緘題下玉京
開時微月上
碾處亂泉聲
半夜招僧至
孤吟對月烹
碧沈霞脚碎
香泛乳花輕
六腑睡神去
數朝詩思清
月餘不敢費
留伴肘書行

欽定四庫全書
欽定全唐詩卷一萬七千九百九十八

集部

御定全唐詩卷五百九十三

曹鄴

東武吟

心如山上虎身若倉中鼠惆悵倚市門無人與之語夜宴李將軍欲望心相許何曾聽我言貪謾邯鄲女獨上黃金臺淒涼淚如雨

薊北門行

一本作出自
御定全唐詩

長河凍如石征人夜中戍但恐筋力盡敢憚將軍遇古
來死未歇白骨礙官路豈無一有功可以高其墓親戚
牽衣泣悲號自相顧死者雖無言那堪生者悟不如無
手足得見齒髮暮乃知七尺軀却是速死具

金井怨

西風吹急景美人照金井不見面上花却恨井中影

姑蘇臺

南吳一作宮酒未銷又宴姑蘇臺美人和淚去半夜閭門

開相對正歌舞笑中聞鼓鼙星散九重門血流十二街
一去成萬古臺盡人不回時聞野田中拾得黃金釵

夜坐有懷

悄悄月出樹東南若微霜愁人不成寐五月夜亦長佳
期杳天末骨肉不在旁年華且有恨限一作厥體難久康

人言力耕者歲旱亦有糧吾道固如此安得苦悵悵

寄監察從兄

我祖居鄴地鄴人識文星此地星已落兼無古時城古

風既無根千載難重生空留建安書傳說七子名賤子
生桂州桂州山水清自覺心貌古兼合古人情因為二
雅詩出語有性靈持來向長安時得長者驚芝草不為
瑞還共木葉零恨如轍中土終歲墳不平吾宗戴豸冠
忽然入西京憐其羽翼單撫若親弟兄松根已堅牢松
葉豈不榮言罷眼無淚心中如酒醒

樂府體

蓮子房房嫩菖蒲葉葉齊共結池中根不厭池中泥

棄婦

嫁來未曾出此去長別離父母亦有家羞言何以歸此
日年且少事姑常有儀見多自成醜不待顏色衰何人
不識寵所嗟無自非將欲告此意四鄰已相疑

讀李斯傳

一車致三轂本圖行地速不知駕馭難舉足成顛覆欺
暗尚不然欺明當自戮難將一人手掩得天下目不見
三尺墳雲陽草空綠

文宗陵

千年堯舜心心成身已歿始隨蒼梧雲不返蒼龍闕宮
女衣不香黃金賜白髮留此奉天下所以無征伐至今
汨羅水不葬大夫骨

偶懷

開目不見路常如夜中行最賤不自勉中塗與誰爭蓬
為沙所危還向沙上生一年秋不熟安得便廢耕顏子
命未達亦遇時人輕

代羅敷謂使君

常言愛嵩山別妾向東京朝來見人說却知在石城未必菖蒲花只向石城生自是使君眼見物皆有情麋鹿同上山蓮藕同在泥莫學天上日朝東暮還西

怨歌行

丈夫好弓劍行坐說金吾喜聞有行役結束不待車官田贈倡婦留妾侍舅姑舅姑皆已死庭花半是蕪中妹尋適人生女亦嫁夫何曾寄消息他處却有書嚴風厲

中野女子心易孤貧賤又相負封侯意何如

南征怨

萬浪東不回昭王南征早龍舟沒何處獨樹江上老吾
欲問水濱宮殿已生草

和潘安仁金谷集

太守龍為馬將軍金作車香飄十里風風下綠珠歌莫
怪坐上客歎君庭前花明朝此池館不是石崇家

不可見

常聞貧賤夫頭白終相待自從嫁黠婁終歲長不在君
夢有雙影妾夢空四鄰常思勁北風吹折雙車輪

秦後作

大道不居謙八荒安苟得木中不生火高殿禍頃刻誰
將白帝子踐我禮義域空持拔山志欲奪天地德軋道
人不回壯士斷消息父母骨成薪蟲蛇自相食鼎亂陰
陽疑戰盡鬼神力東郊龍見血九土玄黃色鼙鼓裂二
景妖星動中國圓丘無日月曠野失南北徒流殺人血

神器終不忒一馬渡空江始知賢者賊

薄命妾

薄命常惻惻出門見南北劉郎馬蹄疾何處去不得淚珠不可收蟲絲不可織知君綠桑下更有新相識

放歌行

莫唱放歌行此歌臨楚水人皆惡此聲唱者終不已三閣有何罪不向枕上死

江西送人

八月江上樓西風今人愁攜酒樓上別盡見四山秋但
愁今日知莫作他時疑郎本不住此無人泣望歸何水
不生波何木不改柯遙知明日恨不如今日多將心速
投人路遠人如何

始皇陵下作

千金買魚燈泉下照孤兎行人上陵過却弔扶蘇墓累
纍墳中物多於養生具若使山可移應將秦國去舜歿
雖在前今猶未封樹

洛原西望

築城畏不堅城堅心自毀秦樹滿平原秦人不居此猶為泣路者無力報天子

趙城懷古

邯鄲舊公子騎馬又鳴珂手揮白玉鞭不避五侯車閒愁春日短沽酒入倡家一笑千萬金醉中贈秦娥如今

高原上樹樹白楊花

代班姬

寵極多妒容乘車上金階歎然趙飛燕不語到日西手
把菖蒲花君王喚不來常嫌鬢蟬重乞人白玉釵君心
無定波尺尺流不回後宮門不掩每夜黃鳥啼買得千
金賦花顏已如灰

庭草

庭草根自淺造化無遺功低回一寸心不敢怨春風

過白起墓

毘陵火焰滅長平生氣低將軍臨老病賜劍咸陽西

對酒

愛酒知是僻難與性相捨未必獨醒人便是不飲者晚
歲無此物何由住田野

續幽憤

嵇康呂安連罪賦此詩鄴
紀李御史甘死封之事

繁霜作陰起朱火乘夕發清晝冷無光蘭膏坐銷歇惟
公執天憲自是臺中傑一逐楚大夫何人為君雪忽忽
鬼方路不許辭雙闕過門似他鄉舉趾如遺轍八月黃
草生洪濤入雲熱危魂沒太行客弔空骨節千年瘴江

水恨聲流不絕

古詞

高闕礙飛鳥人言是君家經年不歸去愛妾面上花妾
面雖有花妾心非女蘿郎妻自不重一作教於妾欲如何

和謝豫章從宋公戲馬臺送孔令謝病

碧樹杳云暮朔風自西來佳人憶山水置酒在高臺不
必問流水坐來日已西勸君速歸去正及鶗鴂啼

送進士李殷下第遊汾河

上國花照地遣君向西征
旁人亦有恨况復故人情單
車欲云去別酒忽然醒如何
今夜夢半作道路程邊士
不好禮全家住軍城城中鼓角嚴
旅客常夜驚中有左記室
逢人眼光明西門未歸者下馬如到京
還應一開卷為子心不平慇懃說忠抱壯志勿自輕

相思極

一作長

相思

妾顏與日空一作改君心與日新
三年得一書猶在湘之

濱料君相輕意知妾無至親
况當受明禮不令一作合再

嫁人願君從此日化質為妾身

代謝玄暉新亭送范零陵

楚水洪無際滄茫接天涯相看不能語獨鳥下江籬蓬
子悉有戀蓬根却無期車輪自不住何必怨路歧孟冬
衣食薄夢寐亦未遺

山中效陶

落第非有罪茲山聊歸止山猿隔雲住共飲山中水讀
書時有興坐石忘却起西山忽然暮往往遺巾履經時

一出門兼候僮僕喜常被山翁笑求名豈如此齒髮老
未衰何如且求已

城南野居寄知己

奔走未到我在城如在村出門既無意豈如常閉門作
詩二十載闕下名不聞無人為開口君子獨有言身為
苦寒士一笑亦感恩慇懃中途上勿使車無輪

古莫買妾行

千扉不當路未似開一門若遣綠珠醜石家應尚存

霽後作

齊梁體

新霽辨草木晚塘明衣衿乳燕不歸宿雙雙飛向林微
照露花影輕雲浮麥陰無人可招隱盡日登山吟

田家效陶

黑黍春來釀酒飲青禾刈了驅牛載大姑小叔常在眼
却笑長安在天外

寄賈馳先輩

游子想萬里何必登高臺聞君燕女吟如自薊北來長

安高蓋多健馬東西街盡說嵩簪古一作告將錢買金釵
我祖西園事言之獨傷懷如今數君子如鳥無樹棲濟
水一入河便與清流乘聞君欲自持勿使吾道低

送友人入塞

亂蓬無根日送子入青塞蒼茫萬里秋如見原野大鳥
雀寒不下山川迴相對一馬沒黃雲登高望猶在驚風
忽然起白日黯已晦如何怨路長出門天涯外

寄陽朔友人

桂林須產千株桂未解當天影日開我到月中收得種
為君移向故園栽

題廣福巖

未有天地先融結方廣高深無丈尺書言不盡畫難成
留與人間作奇特

送曾德邁歸寧宜春

湘東山水有清輝袁水詞人得意歸幾府爭馳毛義檄
一鄉看侍老萊衣筵開灞岸臨清淺路去藍闕入翠微

想到宜陽更無事併將歡慶奉庭闈

送鄭谷歸宜春

無成歸故國上馬亦高歌況是飛鳴後殊為喜慶多暑
銷嵩嶽雨涼吹洞庭波莫便閒吟去須期接盛科

老圃堂

一作薛能詩唐詩紀事
引又玄集以為鄆作

邵平瓜地接吾廬穀雨乾時手自鋤昨日春風欺不在
就牀吹落讀殘書

欽定四庫全書
欽定全唐詩卷一萬七千九百九十九

集部

御定全唐詩卷五百九十四

儲嗣宗

儲嗣宗大中十三年登進士第詩一卷

登蕪城

昔人登此地丘壠已前悲今日又非昔春風能幾時

滄浪峽

一作儲光義詩

滄浪臨古道道上石成塵自有滄浪峽誰為無事人

垓城一作下

百戰未言非孤軍驚夜圍山河意氣盡淚濕一作濺美人

衣

南陂遠望

閒門橫古塘紅樹已驚霜獨立望秋草野人耕夕陽孤
煙起蠅舍飛鷺下漁梁唯有田家事依依似故鄉

宿玉簫宮

塵飛不到空露濕翠微宮鶴影石橋月簫聲松殿風綠

毛辭世女白髮入壺翁借問燒丹處桃花幾遍紅

晚眺徐州延福寺

杉風振旅塵晚景藉芳茵片水明在野萬花深見人靜
依歸鶴思遠惜舊山春今日惜一作誰擣手寄懷吟白蘋

宿甘棠館

塵跡入門盡悄然江海心水聲巫峽遠山色洞庭深風
桂落寒子嵐煙凝夕陰前軒鶴歸處蘿月思沈沈

和茅山高拾遺憶山中雜題五首

山泉

香味清機仙府回
縈紆亂石便流杯
春風莫泛桃花去
恐引凡人入洞來

巢鶴

千萬歲一作年雲間丁令威
殷勤仙骨莫先飛
若逢茅氏傳消息
貞白先生不久歸

胡山

犬入五雲音信絕
鳳樓凝碧悄無聲
焚香古洞步虛夜

露濕松花枝一作空月明

枝

一作

空月明

小樓

松杉風外亂山青曲几焚香對石屏空憶一作去年春
記得

雨後燕泥時汚太玄經

山鄰

石橋春澗已歸遲夢入仙山山不知柱史從來非俗吏
青牛道士莫相疑

送道士

冷然御風客與道自浮沈黃鸝有歸語白雲無忌心藥
爐經月淨天路入壺深從此分栖後相思何處尋

宿山館

寂寞對衰草地涼凝露華蟬鳴月中樹風落客前花山
館無宿伴秋琴初別家自憐千萬里筆硯寄生涯

入浮石山

斜日出門去殘花已過春鳥聲穿葉遠虎跡渡溪新入
洞幾時路耕田何代人自慚非避俗不敢問迷津

送人歸故園

遠節慘言別況予心久違從來憶家淚今日送君歸野
路正風雪還鄉猶布衣里中耕稼者應笑讀書非

得越中書

芳草離離思悠悠春夢餘池亭千里月煙水一封書詩
想懷康樂文應弔子胥扁舟戀南越豈獨為鱸魚

秋墅

欲暮候樵者望山空翠微虹隨餘雨散鴟帶夕陽歸窮

卷長秋草孤村時擣衣誰知多病客寂寞掩柴扉

哭彭先生

谷口溪聲客自傷那堪嗚咽弔殘陽空階鶴戀丹青影
秋雨苔封白石牀主祭孤兒初學語無媒旅櫬未還鄉
門人遠赴心喪夜月滿千山舊草堂

和顧非熊先生題茅山處士閒居

歸耕地肺絕塵喧匣裏青萍未報恩濁酒自憐終日醉
古風時得野人言鳥啼碧樹閒臨水花滿青山靜掩門

唯有階前芳草色年年惆悵憶王孫

長安懷古

禍稔蕭牆終不知生人力屈盡邊陲赤龍已赴東方暗
黃犬徒懷上蔡悲面缺崩城山寂寂土埋冤骨草離離
秋風解怨扶蘇死露泣煙愁紅樹枝

過王右丞書堂二首

澄潭昔卧龍章句世為宗獨步聲名在千巖水石空野
禽悲灌木落日弔清風後學攀遺址秋山聞草蟲

萬樹影參差石牀藤半垂螢光雖散草鳥跡尚臨池風
雅傳今日雲山想昔時感深蘇屬國千載五言詩右丞
昔陷

賊庭故
有此句

孤鴈

孤鴈暮飛急蕭蕭天地秋闕河正黃葉消息斷青樓湘
渚煙波遠驪山風雨愁此時萬里道魂夢遙滄洲

贈隱者

盡室居幽谷亂山為四鄰霧深知有術窗靜似無人鶴

語松上月花明雲裏春生涯更何許尊酒與垂綸

早春懷薛公裕

幽獨自成愚柴門日漸蕪陸機初入洛孫楚又遊吳失
意怨楊柳異鄉聞鶯鴉相思復相望春草滿南湖

村月

月午蘿南一作邊道前村半隱林田翁獨歸處蒼麥露花

深

早春

野樹花初發空山獨見時
躡歷陽道鄉思滿南枝

送友人遊吳

吳山青楚吟草色異鄉心一酌水邊酒數聲花下琴登
樓舊國遠探穴九疑深更想逢秋節那堪聞夜砧

贈別

蘭澤傷秋色臨風遠別期東城草雖綠南浦柳無枝直
道豈易枉暗投誰不疑因君問行役有淚濕江蘿

經故人舊居

萬里訪遺塵鶯聲淚濕巾古書無主散廢宅與山鄰宿
草風悲夜荒村月弔人淒涼問殘柳今日為誰春

隨邊使過五原

偶逐星車犯虜塵故鄉常恐到無因五原西去陽關廢
日漫平沙不見人

春懷寄秣陵知友

廬江城外柳堪攀萬里行人尚未還借問景陽臺下客
謝家誰更卧東山

宋州月夜感懷

鴈池衰草露沾衣河水東流萬事微寂寥青陵臺上月
秋風滿樹鵠南飛

吳宮

荒臺荆棘多忠諫竟如何細草迷宮巷間花悵綺羅前
溪徒自綠子夜不聞歌悵望清江暮悠悠東去波

春遊望仙谷

清無車馬塵深洞百花春雞犬疑霑藥耕桑似避秦登

山採樵路臨水浣紗人若得心無事移家便卜鄰

聖女祠

石屏苔色涼流水遶祠堂巢鵠疑天漢潭花似鏡妝神
來雲雨合神去蕙蘭香不復聞雙珮山門空夕陽

宿范水

行人倦遊宦秋草宿湖邊露濕芙蓉渡月明漁網船寒
機深竹裏遠浪到門前何處思鄉甚歌聲聞採蓮

送顧陶校書歸錢塘

清苦月偏知。南歸瘦馬遲。橐輕緣換酒。髮白為吟詩。
色西陵渡松聲。伍相祠聖朝。思直諫。不是挂冠時。

題雲陽高少府衙齋

一本無衙
齋二字

隱能兼濟軒窗逐勝開。遠舍雲水思深得棟梁材。吏
逾靜庭閒鳥自來。更憐幽砌色秋雨長莓苔。

總校官庶吉士臣張能照

校對官檢討臣郭寅

謄錄監生臣馬嗣佺



欽定四庫全書會要

集部

御定全唐詩卷五百九十八

五至

詳校官原任主事臣李斯咏



欽定四庫全書
唐詩卷五百九十五

集部

御定全唐詩卷五百九十五

于武陵

武陵會昌時人詩一卷

通考大中進士

早春山行

江草暖初綠雁行皆北飛異鄉那久客野鳥尚思歸十載過如夢素心應已遠行家漸遠更苦得書稀

宿友生林居因懷賈區

繞屋樹森森多棲紫閣禽暫過當永夜微得話前心入
楚行應遠經湘恨必深那堪對寒燭更賦別離吟

贈賣松人

入市雖求利憐君意獨真劖一作功將寒澗樹賣與翠樓

人瘦葉幾經雪淡花應少春長安重桃李徒染六街塵
友人南遊不回因而有寄

相思春樹綠千里亦一作各依依郢杜月頻滿瀟湘人未
不一作歸桂花風半落煙草蝶雙飛一別無消息水南車

蹤一作跡稀

送鄼縣董明府之任

南北行已久憐君知苦辛萬家同草木三載得一作返

陽

春東道聽遊子夷門歌主人空持語相送應怪不沾巾

山上樹一作桂

日暖上山

一作峰

路鳥啼知已

一作

幾

春忽逢幽隱處

一作樹

如見獨醒人

石冷開常

一作花

開晚風多落亦

一作葉

落頻樵夫

應不識歲久伐為薪

長信宮二首

簟涼

一作秋氣

一作夜

初長信恨何如拂黛月生指解

一作

理鬟雲滿梳一從悲畫扇幾度泣前魚坐聽南宮樂涼

風搖翠裾

一失輦前恩綺羅生暗塵惟應深夜月獨伴向隅

一作愁

人長信翠蛾老

一作蚊故

照陽紅粉新君心似秋節不使草

長春

洛陽道

浮世若浮雲千回故復新旋添青草塚更有白頭人歲

暮容

一作客將老雪一作雲

晴山欲春行行車與馬

一作馬客

不

盡洛陽塵

東門路

東門車馬路

此一作北

路在有

一作

浮沈白日若不落

一作不西

沒紅塵應更深從來名

一作多

利地

一作計

皆起

一作見

是

非心一作起爭心所以青青草年年生漢陰

江樓春望

樓下長江路舟車晝

一作
晝

不閒鳥聲非故國春色是他

山一望雲復水幾重河與關愁心隨落日萬里各

一作
為

西還

洛中晴望

九陌盡風塵囂囂晝復昏古今人不斷南北路長存葉

落上陽樹草衰金谷園亂鴉歸

一作
來

未已殘

一作
斜

日半

前軒

西歸

不繫與舟閒悠悠吳楚間羞將新白髮却到一一作去
舊

青山一葉忽離一作初飛樹幾人同入關長安家尚一作有家在

秋至又西還

南遊

窮秋幾日雨處處生蒼苔舊國寄書後涼天方雁來露
繁山草濕洲暖水花開去盡同行客一帆猶未回

南遊有感

杜陵無厚業不得駐車輪重到曾遊處多非舊主人東

風千嶺一作里樹西日一洲蘋又一作好渡湘江去一作瀟

湘江一作瀟水復春

夜泊湘江

北風吹楚樹此地獨先秋何事屈原恨不隨湘水流涼

天生片半一作月竟夕伴孤舟一作南行客無成空白頭

客中

楚人歌竹枝遊子淚沾衣異國久為客寒宵頻一作方夢

歸一封書未返千樹葉皆飛南過度一作洞庭水更應消

息稀

夜尋僧不遇

一作夜尋僧遊山未歸

數歇度煙水漸非塵俗間泉聲入秋寺月色遍寒山石
路幾回雪竹房猶閉闥不知雙樹客何處與一作伴雲閒

訪道者不遇

一作訪僧不遇

人間惟此路一作道長得一作獨長綠苔衣及戶無行跡遊方
應未歸平生無一作何限事到此盡知非獨倚松門久陰

雲昏翠微

贈王隱者山居一作隱者

贈

石室掃無塵人寰與此分飛來南浦樹半是華山雲浮
世幾多事先一作此生應不聞寒山一作川滿西日空照雁

成羣

寄北客

窮邊足風慘何處醉樓臺家去幾一作數千里月圓十二

回寒阡一作雲山隨日遠雪路向城開游子久無信年年空

雁來

寄友人

長安清渭東遊子跡重重此去紅塵路難尋君馬蹤昔
時輕一別漸老貴相逢應戀嵩陽住一作好嵩陽饒一作有

古松

夜與故人別

白日去難駐故人非舊容今宵一別後何處更一作復
一作再相逢過楚水千里到秦山幾一作萬重語一作話來天又一
未曉月落滿城鐘

別故友一作人

行子與秋葉各隨南北風雖非千里別還阻一宵一作歡

同過盡少年日尚如長轉路一作蓬猶為布衣客羞入故

闕中

送客東歸

一聽遊子歌秋計覺一作幾

蹉跎四海少平地一作路

百川

無定波共驚年已暮俱向客中多又駕征輪去東歸事

將一作若何

過侯王故第

過此一酸辛
行人淚有痕
獨殘新碧樹
猶擁舊朱門
歌歇雲初散
簷空燕尚存
不知彈鋏客
何處感新恩

孤雲

南北各萬里
有雲一作時心更閒
因風離海上
伴月到人間
洛浦少高佳一作樹
長安無舊山
裴回不可駐
漠漠又

空一作東還

遠水

悔作望南浦望中生遠愁因知人易老一作感一作為有一作惟見一作見

水東一作長流欲附故鄉信不逢歸客舟萋萋兩岸草又

度一年秋

詠蟬一作客中聞早蟬

江頭一聲起芳歲已難留聽此高林一作枝上遙知故國秋應催風落葉似一作亦勸客回舟不是新蟬苦年年

自有愁

感情

青山長寂寥南望獨高歌四海故人盡九原新一作青

一作龍

塚一作多西沈浮世日東注逝川波不使年華駐此生能

看一作幾何

早春日山居寄城郭知己

陽和潛發蕩寒陰便使川原景象新入戶風泉聲瀝瀝
當軒雲岫色沈沈殘雲帶雨輕飄雪嫩柳含煙小綻金
雖有眼前詩酒興遨遊爭得稱閒心

勸酒

勸君金屈卮滿酌不須辭花發多風雨人生足別離

感懷

一作感情

以下
一本俱作于鄴詩

東風吹草色空使客蹉跎不設太平險更應遊子多幾

傷觴一作觴行處淚酒一作酒一曲醉中歌盡向青門外東隨渭

水波

友人亭松

俛仰不能去如逢舊友同曾因春雪散見在華山中何處有明月訪君聽遠風相將歸未得各占石巖東

遊中梁山

僻地好泉石何人曾陸沈不知青嶂外更有白雲深因
此見喬木幾回思舊林慙慙復與一作鳥惟我獨何心

尋山

到此絕車輪萋萋草樹春青山如有利白石亦成塵水
澗應無路松深不見人如知巢與許千載跡猶新

宿江口

南渡人來絕喧喧雁滿沙自生江上月長有客思家半

夜下霜岸北風吹荻花自驚歸夢斷不得到天涯

秋夜達蕭關

擾擾浮一作梁路人忙月自閒去年為塞客今夜宿蕭

關辭國幾經歲望鄉空見山不知江葉下又作布衣還

斜谷道

亂峰連疊嶂千里綠峩峩蜀國路如此遊人車亦過遠

煙當葉飲驟雨逐風多獨憶紫芝叟臨風歌舊歌

過百牢關貽舟中者

蜀國少平地方思京洛間遠為千里客來度百牢關帆
影清江水鈴聲碧草山不因一作貪名與利爾我一作爾各

應間

客中覽鏡

何當開此鏡即見髮如絲白日急於水一年能幾時每
逢芳草處長返故園遲所以多為客蹉跎欲怨誰

長安逢隱者

征車千里至碾遍六街塵向此有營地忽逢無事人昔

時顏未改浮世路多新且脫衣沽酒終南山欲春

與僧話舊

草堂前有山一見一相寬處世貴僧靜青松因歲寒他
山逢舊侶盡日話長安所以閒行跡千回遶藥欄

贈王道士

日日市朝路何時無苦辛不隨丹竈客終作白頭人浮
世度千載桃源方一春歸來華表上應笑北邙塵

匣中琴

世人無正心蟲網匣中琴何以經時廢非為娛耳音獨
令高韻在誰感隙塵深應是南風曲聲聲不合今

過洛陽城

古來利與名俱在洛陽城九陌鼓初起萬車輪已行周
秦時幾變伊洛水猶清二月中橋路鳥啼春草生

望月

一作客
中月

離家凡幾宵一望一寥寥新魄又將滿故鄉應漸遙獨
臨彭蠡水遠憶洛陽橋更有乘舟客悽然亦駐橈

王將軍宅夜聽歌

朱檻滿一作鋪

明月美人歌落梅忽驚塵起處疑有鳳飛

來一曲聽初徹幾年愁暫開東南正雲雨不得見陽臺

長信一作春

宮

莫問

一作訪

古宮名古宮空有一一作古

一作城惟只

應東去水

不改舊時聲

高樓

遠天明月出照此誰家樓上有羅衣裳

一作色

涼風吹不

休
秋一作

御定全唐詩卷五百九十五

欽定四庫全書
欽定四庫全書
欽定四庫全書
欽定四庫全書
欽定四庫全書
欽定四庫全書
欽定四庫全書
欽定四庫全書
欽定四庫全書
欽定四庫全書

集部

御定全唐詩卷五百九十六

司馬札

高棟品彙作禮

司馬札大中時詩人詩一卷

感古

九折無停波三光如轉燭玄珠人不識徒愛燕趙玉祖龍已深惑漢氏遠徇欲驪山與茂陵相對秋草綠

贈王道士

金石錄卷之二
玉洞秋深花落盡山夜無鬼豈知浮雲世生死逐流水瑤
臺歌一曲曲盡五煙起悠然望虛路玉京在海裏青籜
秘不聞黃鶴去不止願隨執輕策往結周太子

古思

春華惜妾態秋草念妾心始知井邊桐不如堂上琴月
落却羨鏡花飛猶委苔門前長江水一去終不回

獮客

五陵射鵠客走馬占春光下馬青樓前華裾獨煌煌自

言家咸京世族如金張擊鐘傳鼎食爾來八十強朱門
爭先開車輪滿路傍娥娥燕趙人珠箔閉高堂清歌雜
妙舞臨歡度曲長朝遊園花新夜宴池月涼更以馳驃
多意氣事彊梁君王正年少終日在長楊

送進士苗縱歸紫羅山居

汝上多奇山高懷愴清境強來干名地冠帶不能整常
言夢歸處泉石寒更靜鶴聲夜無人空月隨松影今朝
拋我去春物傷明景悵望相送還微陽在東嶺

賣花者

少壯彼何人種花荒苑外不知力田苦却笑耕耘輩當
春賣春色來往經幾代長安甲第多處處花堪愛良金
不惜費競取園中最一蕊纔占煙歌聲一作笙歌已高會自

言種花地終日擁軒蓋農夫官役時獨與花相對那令
賣花者久為生人害貴粟不貴花生人自應泰

彈琴

涼深一作室無外響空桑七弦分所彈非新聲俗耳安肯

聞月落未終曲暗中泣湘君如傳我心苦千里蒼梧雲

古邊卒思歸

有田不得耕身卧遼陽城夢中稻花香覺後戰血腥漠
武在深殿唯思廓寰瀛中原半烽火比屋皆點行邊土
無膏腴閒地何必爭徒令執耒者刀下死縱橫

美劉太保

常愛魯仲連退身得其趣不知鶻夷子更入五湖去雲
霞恣搖曳鴻鵠無低翥萬里天地空清飈在平楚藏名

向寵節辭疾去公務夜盡醉弦歌日高卧煙樹豈喧生
前樂千載自垂裕論道復論功皆可黃金鑄

蠶女

養蠶先養桑蠶老人亦衰苟無園中葉安得機上絲妾
家非豪門官賦日相追鳴梭夜達曉猶恐不及時但憂
蠶與桑敢問結髮期東鄰女新嫁照鏡美蛾眉

效陶彭澤

一夢倏已盡百年如露草獨有南山高不與人共老尊

中貯靈味無事即醉倒何必鳴鼓鐘然後樂懷抱輕波
向海疾浮雲歸谷早形役良可嗟唯能徇天道

鋤草怨

種田望雨多雨多長蓬蒿亦念官賦急寧知荷鋤勞亭
午霧日明隣翁醉陶陶鄉吏不到門禾黍苗自高獨有
辛苦者屢為州縣徭罷鋤田又廢戀鄉不忍逃出門吏
相促隣家滿倉穀鄰翁不可告盡日向田一作天哭

山中晚興寄裴侍御

雷息疎雨散空山夏雲晴南軒對林晚籬落新蛩一作蟬

鳴白酒一樽滿坐歌天地清十年身未閒心在人間名
永懷君親恩久賤難退情安得蓬丘侶提攜採瑤英

菜臺

魏國昔強盛宮中金玉多徵丁菜層臺唯恐不巍峩結
構切星漢躋攀橫綺羅朝觀細腰舞夜聽皓齒歌詎念
人力勞安問黍與禾一朝國既傾千仞堂亦平舞模衰
柳影歌留草蟲聲月照白露寒蒼蒼故鄴城漢文有遺

美對此清飈生

道中早發

野店雞一聲蕭蕭客車動西峰帶曉月十里猶相送繁
弦滿長道羸馬四蹄重遙羨青樓人錦衾方遠夢功名
不我與孤劍何所用行役難自休家山憶秋洞

滄浪峽

山水水聲深水邊山色聚月照秋自清花名春不去似
非人間境又近紅塵路乍入洞中天更移雲外步我殊

惺惺者猶得滄浪趣可以濯吾纓斯言誠所慕

感螢

愛爾持照書臨書嘆吾道青熒一點光曾誤幾人老夜久獨此心環垣閑秋草

自渭南晚次華州

前樓一作登仙鼎原西經赤水渡火雲入村巷餘雨依驛

樹我行傷去國疲馬屢回顧有如無窠鳥觸熱不得住
峩峩華峰近城郭生夕霧迷旅何人尋行客暗中住却

思林丘卧自愜平生素勞役今若茲羞吟枯隱句

近別

咫尺不相見便同天一涯何必隔關山乃言傷別離君
心與我心脉脉無由知誰堪近別苦遠別猶有期

江上秋夕

茂陵歸路絕誰念此淹留極日月沈浦苦吟霜滿舟孤
猿啼後夜久客病高秋欲寄鄉闕恨寒江無北流

送歸客

多才與命違末路隱柴扉白髮何人問青山一劍歸晴
煙獨鳥沒野渡亂花飛寂寞長亭外依然空落暉

東門晚望

青門聊極望何事久離羣芳草失歸路故鄉空暮雲信
回陵樹老夢斷灞流分兄弟正南北鴻聲堪獨聞

上巳日曲江有感

萬花明曲水車馬動秦川此日不得意青春徒少年晴
沙下鷗鷺幽泣生蘭荃向晚積歸念江湖心渺然

宿壽安甘棠館

行人方倦役到此似還鄉流水來闊外青山近洛陽溪
雲歸洞鶴松月半軒霜坐恐晨鐘動天涯道路長

送友人下第東遊

出門皆有託君去獨何親闕下新文少天涯舊業貧煙
寒嶽樹暝雪後嶺梅春聖代留崑玉那令愧却詫

山齋會別

春草平陵路荷衣醉別離將尋洛陽友共結洞庭期星

月半山盡天雞出海遲無輕此分手他日重相思

曉過伊水寄龍門僧

龍門樹色暗蒼蒼伊水東流客恨長病馬獨嘶殘夜月
行人欲渡滿船霜幾家煙火依村步何處漁歌似故鄉
山下禪菴老師在願將形役問空王

送孔恂入洛

洛陽古城秋色多送君此去心如何青山欲暮惜別酒
碧草未盡傷離歌前朝冠帶塲金谷舊遊花月經銅駝

行人正苦奈分手日落遠水生微波

觀郊禮

鐘鼓旌旗引六飛玉皇初著畫龍衣泰壇煙盡星河曉
萬國心隨彩仗歸

宮怨

柳色參差掩畫樓曉鶯啼送滿宮愁年年花落無人見
空逐春泉出御溝

南徐夕眺

行吟向暮天何處不悽然岸影幾家柳笛聲何處船樓
一作流 分爪步月鳥入秣陵煙故里無人到鄉書誰為傳

題清上人

古院閉松色入門人自閒罷經來宿鳥支策對秋山客
念蓬梗外禪心煙霧間空憐濯纓處階下水潺潺

塗中寄薛中裕

貧交千里外失路更傷離曉淚芳草盡夜魂明月知空
山連野外寒鳥下霜枝此景正寥落為君玄髮衰

白馬津阻雨

津樹蕭蕭旅館空
坐看疎葉繞堦紅
故鄉千里楚雲外
歸鴈一聲煙雨中
漳浦病多愁易老
茂陵書在信難通
功名倘遂身無事
終向溪頭伴釣翁

秋日懷儲嗣宗

故人北遊久不回
塞鴈南渡聲何哀
相思聞鴈更惆悵
却向單于臺下來

夜聽李山人彈琴

瑤琴夜久弦秋清楚客一奏湘煙生曲中聲盡意不盡

月照竹軒紅葉明

隱者

松間開一徑秋草自相依終日不冠帶空山無是非投

綸一作輪溪鳥伴曝藥谷雲飛時向鄰家去狂歌夜醉歸

登河中鶴鵠樓

樓中見千里樓影入通津煙樹遙分陝山河曲向秦興
亡留白日今古共紅塵鶴雀飛何處城隅草自春

漾波晚望

遠客家水國此來如到鄉
何人垂白髮一葉釣殘陽
柳暗鳥乍起渚深蘭自芳
因知帝城下有路向滄浪

御定全唐詩卷五百九十六

欽定四庫全書
欽定全唐詩卷一萬八千二集部

御定全唐詩卷五百九十七

徐商

徐商字義聲一云字秋卿

新鄭人擢進士第大中時尚書左

丞咸通四年以兵部尚書同平章事後出為襄州節度

詩一首

賀襄陽副使節判同加章綬

朱紫花前賀故人兼榮此會頗闊身同年坐上聯賓榻

宗姓亭中布錦裯
晴日照旗紅灼爍
韶光入隊影玲瓏
芳菲解助今朝喜
嫩藥青條滿眼新

句

萍聚只因今日浪
荻斜都為夜來風

高璩

高璩字瑩之渤海人
登進士第累佐使府
大中朝歷丞郎咸通
中守中書侍郎平章事
詩一首

和薛逢贈別

劍外綿州第一州尊前偏喜接君留歌聲婉轉添長恨
管色淒涼似到秋但務歡娛思曉角獨耽雲水上高樓
莫言此去難相見怨別徵黃是順流

句

公齋一到人非舊詩板重尋墨尚新

高湘

高湘字濬之銖從子也擢進士第咸通中歷諫議大夫
僖宗朝終江西觀察使詩一首

和李尚書命妓餞崔侍御

謝安春渚餞袁宏千里仁風一扇清歌黛慘時方酩酊
不知公子重飛觥

句

惟有高州是當家

王泉子云湘從兄中書舍人湜與路相嚴親善而湘厚劉相瞻嚴既逐瞻

除不附己者十司戶湘得高州到日憤湜不佐己賦詩云

崔安潛

崔安潛字進之齊州人大中三年進士登第咸通中累

擢忠武節度使拒王仙芝有功代高駢鎮西川終太子

太傅謚貞孝詩一首

報何澤

四十九年前及第同年唯有老夫存今日殷勤訪吾子
穩將鬢鬢上龍門

裴鉶

裴鉶高駢客也官成都節度副使加御史大夫詩一首

題文翁石室

文翁石室有儀形庠序千秋播德馨古柏尚留今日翠
高岷猶藹舊時青人心未肯抛羶蟻弟子依前學聚螢
更歎池江無限水爭流祇願到滄溟

劉損

劉損咸通時人詩三首

憤惋詩三首

一作劉禹錫
詩題作懷妓

寶釵分股合無緣魚在深淵日在天得意紫鸞休舞鏡
斷蹤青鳥罷銜菱金杯倒覆難收水玉軫傾敲嬾續弦

從此靡蕪山下過祇應將淚比黃泉

鸞辭舊伴知何止鳳得新梧想稱心紅粉尚存香幕幕
白雲將散信沈沈已休磨琢投泥玉嬾更經營買笑金
願作山頭似人石丈夫衣上淚痕深

舊嘗遊處徧尋看覩物傷情死一般買笑樓前花已謝
畫眉窗下月空殘雲歸巫峽音容斷路隔星河去住難
莫道詩成無淚下淚如泉滴亦須乾

鄭愚

鄭愚番禺人咸通中觀察桂管入為禮部侍郎黃巢平
後出鎮南海終尚書左僕射詩二首

幼作

臺山初罷霧岐海正分流漁浦颶來笛鴻遠翼去舟

茶詩

嫩芽香且靈吾謂草中英夜白和煙擣寒爐對雪烹惟
憂碧粉散嘗見綠花生

霍總

霍總咸通時池州刺史詩七首

郡樓望九華歌

樓上坐見九子峰翠雲赤日光溶溶有時朝昏變疎密
八峰和煙一峰出有時風捲天雨晴聚立連連如弟兄
陽烏生子偶成數丹鳳養雛同此名日日遙看機已靜
未離塵躅思真境子明龍駕騰九垓陵陽相對空崔嵬
玉漿瑤草不可見自有神仙風馬來

塞下曲

曾當一面戰頻出九重圍但見爭鋒處長須得勝歸雪沾旗尾落風斷節毛稀豈要銘燕石平生重武威

關山月

珠瓏翡翠牀白晳侍中郎五日來花下雙童問道傍到門車馬狹連夜管弦長每笑東家子窺他宋玉牆

驄馬

青驄八尺高俠客倚雄豪踏雪生珠汗障泥護錦袍路傍看驄影鞍底卷旋毛豈獨連錢貴酬恩更代勞

雉朝飛

五色有名翬清晨挾兩雌羣羣飛自樂步步飲相隨覘
葉逢人處驚媒妬寵時綠毛春鬪盡強敵願君知

木芙蓉

本自江湖遠常開霜露餘爭春候穠李得水異紅蕖孤
秀曾無偶一作遇當門幸不鉏誰能政搖落繁絲照堦除

採蓮女

舟中採蓮女兩兩催妝梳聞早渡江去日高來起居

陳叔

陳叔咸通中佐廉使郭常侍銓于徐性耿介不合挈家

居茅山焚香習禪詩一首

別僧一作留別

蘭若僧

行若獨輪車常畏大道覆止若員底器常恐他物觸行
止既如此安得不離俗

裴度一作乾餘

裴度餘咸通末佐北門李相蔚淮南幕乾寧初官太常

少卿詩二首

早春殘雪

霽日彤瓊彩幽庭減夜寒梅飄餘片積日墮晚光殘零落偏依桂霏微不掩蘭陰林披霧縠小沼破冰盤曲檻霜凝砌疎篁玉碎竿已聞三徑好猶可訪袁安

柳枝詞詠蒿水濺妓衣

半額微黃一作滿額黃金縷衣玉搔頭裏鳳雙飛一作翠翹
垂從教水濺羅裙濕還道朝來一作知巫山行雨歸

李嶧

李嶧咸通時人詩一首

獻淮南帥一作獻
李僕射

雞樹煙含瑞氣凝鳳池波待玉山澄國人久倚東闕望
擬築沙堤到廣陵

袁郊

袁郊字之儀朗山人滋之子也咸通時為祠部郎中昭
宗朝為翰林學士詩四首

月

嫦娥竊藥出人間藏在蟾宮不放還后羿遍尋無覓處
誰知天上却容奸

霜

古今何事不思量盡信鄒生感彼蒼但想燕山吹暖律
炎天豈不解飛霜

露

湛湛騰空下碧霄地卑濕處更偏饒苦茅豐草皆沾潤

不道良田有旱苗

雲

楚甸嘗聞旱魃侵從龍應合解為霖荒淫却入陽臺夢惑亂懷襄父子心

張叢

張叢咸通中官桂管觀察使詩一首

游東觀山

巖岫碧孱顏靈蹤若可攀樓臺煙靄外松竹翠微間玉

液寒深洞秋光秀遠山憑君指歸路何處是人寰

馮袞

馮袞東陽人定之子登進士第咸通中歷任臺省嘗為

蘇州刺史詩二首

擲盧作

八尺臺盤照面新千金一擲鬪精神合是賭時須賭取
不妨回首乞閒人

戲酒妓

醉眼從伊百度斜是他家屬是他家低聲向道人知也

隔坐剛拋豆蔻花

鄭綮

鄭綮字蘊武進士及第累官散騎常侍昭宗時以禮部侍郎同中書門下平章事詩三首

老僧

日照四山雪老僧門未開凍餅黏柱礎宿火陷爐灰童子病歸去鹿麌寒入來齋鐘知漸近枝鳥下生臺

題廬州郡齋

九衢塵裏一書生多達逢時擁旆旌醉裏眼開金使字
紫旛風動耀天明

別郡後寄席中三蘭

三妓並以蘭為名

淮淝兩水不相通隔岸臨流望向東千顆淚珠無寄處
一時彈與渡前風

溫庭皓

溫庭皓初為襄陽徐商從事咸通中辟徐州崔彥曾幕

府龐勛反使庭皓草表求節度庭皓拒之遂遇害詔贈
兵部郎中詩四首

觀山燈獻徐尚書

一峰當勝地萬點照嚴城勢異崐崙發光疑玄圃生焚
香翻見字舉燧不招兵況遇新春夜何勞秉燭行
九枝應並耀午夜忽潛然景集青山外螢分碧草前輝
華侵月影厯亂寫星躔望極高樓上搖光滿綺筵
春山收暝色爝火集餘輝麗景饒紅焰祥光出翠微白

榆行自比青桂影相依唯有偷光客追游欲忘歸

梅

一樹寒林外何人此地裁春光先自煖陽艷暗相催曉
覺霜添白寒迷月借開餘香低惹袖墮葉逐流杯零落
移新煖颺颺上故臺雪繁鶯不識風裏蝶空迴羌吹應
愁起征徒異渴來莫貪題詠興商鼎待鹽梅

御定全唐詩卷五百九十七